

# 中國革命命記

第十冊

新聞系



中國革命女俠  
林葉靜子



女士閩人而西裝也

媳其夫今夏在廣東起義被難

中國革命女俠  
孫高林



女士閩人而東裝也林則徐之孫

中國革命女俠  
秋瑾



丁未年六月六日  
貴州張曾敷  
捕之於紹興  
與州杭於之殺



漢口清軍之馬隊



漢口清軍之轍隊



# 中國革命記第十冊

## 目次

圖畫

中國革命女俠

林原高子

林葉靜子

秋瑾

漢口清軍之馬隊

漢口清軍之礮隊

特別記事

湖北革命之略史

傳記

秋瑾

附丁未年秋瑾自擬檄文二則

尹銳志 尹維進

文牘

黃興與馮自由書

黃興再與馮自由書

黃興與諸同志書

章程

中華民國浙江約法

中華民國聯合會章程

文苑

悼聯叢錄

雜談

共四則

# 特別記事

## 湖北革命之略史

(選錄神州報)

八月以來。世界上。驚天動地之大事。業足以震撼全球人士之耳目。而開中國革命之新紀元者。何事乎。曰。湖北國民軍起事也。凡論一事。必當追溯其源流。然後得其真相。人徒激賞湖北國民軍之神速。及其經營之偉大。而不知其萌芽時代。固遠在六七年前。誠非一朝一夕之事也。

攷革命黨初次運動湖北之歷史。在於庚子以前。其時孫逸仙先生特委漢口某洋行買辦興中會員容星橋運動哥老會。黨鄂省。會黨咸就範圍。湘人畢永年。楊鴻鈞。其尤著者也。唐才常起事之先。曾親到日本及香港。二次同謀大事。孫君爲介紹於容星橋。遂得見重於哥老會。各龍頭。而其中斡旋於會黨之間者。尤以林述唐爲最。得力此革命黨運動湖北會黨之第一期也。及唐君事敗。容君走上海。革黨對於鄂

省數年之經營從而瓦解會黨一方面幾無可爲矣。

乙巳七月中國同盟會成於日本東京決定設立五大支部於中國各省武昌其中部也會所設於漢口耶教聖公會附屬之日知會馮特民主持之專以運動軍界爲目的武昌新軍之入會者絡繹於道而軍界之重要機關成焉次年改選劉家運爲支部長軍界附從者益盛足與江南新軍互相媲美兩地軍人革命之時機蓋漸成熟矣。

是年終江南之軍事機關爲端方所破壞蓋是時黨人得任新軍標統者八人趙聲其一也詎爲清參謀舒清阿所偵悉遂密與端奴謀一一將趙等撤退同時萍鄉義師大舉孫毓筠權道涵等三人被逮繫獄經種種阻力江南大舉之經營遂全然摧折矣。

一波未平一波又起江南之運動失敗而湖北之失敗亦隨之先是某國政府極表同情於中國革命惟必須審察革黨之確有實力始允協助故由其國陸軍部派武



官數員調查此事。并求鄉導及通譯於革黨長江方面。革黨薦山西人喬貽齋任之。當某國武官與喬君抵武漢。喬以乏於閱歷。竟在日知會高談革命。軍界中聞有某國之助。亦攘臂欲動。紛紛赴會。事爲該處提督張彪所聞。特喬裝臨觀。得悉黨中祕事。而大獄起矣。喬等去後。張彪遂密告於張之洞。捕劉家運等下獄。斬軍界要員數名。并封禁日知會。湖北之軍事機關全被蹂躪。同時清政府得張之洞布告。亦雇某英人爲偵探。尾某國武員至天津。竟竊其調查實錄。以去。虜政府得之。遂按圖索驥。窮加究治。鄂中同志因是星散。與江南機關同一結果。爲可惜耳。

革黨運動鄂省之計畫。旣已破壞。而日知會之組織亦因而瓦解。此革黨經營湖北之第二次失敗也。時有同盟會員孫夢飛者。卽武漢此次國民軍舉充國民議會議長之孫武。夢飛其字也。於武昌運動方盛時。彼方任湖南新軍標統。謀與江南湖北兩軍聯合大舉。事爲湘撫所聞。遂假他事撤差返鄂。時劉家運之黨獄適起。孫名亦在供。開首要之列。鞫騎四出。殺風遍地。孫乃避於南京。復奔走北京。奉天各地。資緣

各清吏捐充候補道員黨籍之名得以消滅鄂省軍界之運動因是漸有生機焉孫君回鄂後復集同志從新組織革命團以日知會名見忌於虜吏乃改名共進會其內容則仍舊同盟會之變相也軍人入會者襟前皆插梅花章爲記惟鑒於前事運動之方法專主細密而不敢爲普通之組織故其進步之速率不及往日而經營之條規則遠過之矣旋復從事於會黨之運動武漢哥老會員咸就範圍長江沿岸會黨亦多加盟上海更設有事務所以主持內外交通事業其勢力次第增廣己酉之秋端方陞任直督汪精衛黃復嘉諸君謀炸擊之於漢口車站後以端奴取道海行失意而返而漢口同志之爲汪黃等臂助者卽孫君也自茲而後革黨日益發達不讓昔者劉家運之運動時代矣

己酉冬孫武親到香港謁馮自由倪映典胡漢民等籌商各省聯合大舉事時馮等方運動廣東新軍成效卓著事在必發遂與孫君約廣州率先發起長江沿岸各省應之而擔任湖北方面者卽孫君也及新軍倉猝失敗鄂省亦靜以待時今年春初

黃興趙聲胡漢民等謀再起義於廣州孫君及居正胡經武咸負湖北響應之任務迨經三月廿九之謀洩各省之進行皆暫停止以俟時機鄂省同志遂咸有撫髀興歎之慨矣

於最近湖北革命軍之大助力有二事焉卽滿虜斥逐請願代表及收回鐵路國有僞諭是也從前政界人物多染立憲流毒卽在稍明大義者亦信革命事業爲不能成功如協統黎元洪諮議局長湯化龍二君之忽現頭角亦由於此二大風潮之刺激使然前數年孫等嘗設種種方法以運動之二君皆不爲動及今始幡然改途成此驚天動地之偉舉耳故以前後事蹟言之劉家運孫武居正胡經武等革命之主動者也黎湯等革命之被動者也

武昌國民軍未起之前十日舊金山籌餉局已得黃興君來電謂湖北同志公舉居正爲代表赴某地與黃君等籌商進行事鄂省新軍事在必發邀黃君速往云云此可知是役發動前後事實之大概矣顧武昌軍界於黃君未到之前已事洩迫動更

能。於。俄。頃。之。間。一。舉。成。功。收。效。之。神。速。經。營。之。敏。捷。求。諸。歷。史。無。與。比。倫。謂。非。平。日。運。動。之。功。又。曷。克。臻。此。哉。



# 傳記

秋瑾

(浮邱)

嗚呼。今日距秋女士瑾被殺之歲。已五載矣。余嘗兩過浙之西湖。至西泠橋畔。憑弔鑑湖女俠之墓。則已夷爲平地。豐碑丘隴。皆不可覩。詢諸土人。始得髣髴其遺跡。以我國革命女傑。反不若昔之蘇小小。得佔湖畔一坏土。爲湖山生色。是誰之過哉。然自武漢革命軍起。海內響應。國人觀念爲之一變。昔日縉紳先生。以秋瑾爲當殺者。今轉而崇拜之矣。是非所在。今昔不同。有如此耶。秋瑾字璣卿。別字競雄。又號鑑湖女俠。浙江紹興府山陰縣人家。世仕宦。隨父至湘。長適湘鄉王某。王某執袴子也。因是夫婦不相得。瑾雖女子。而意氣雄邁。不可一世。絕無巾幗氣。讀書知大義。爲文章。奇矯奔放。又好任俠。慕朱家郭解之爲人。當廣座中。高談雄辯。旁若無人。故與世多迕。而世人亦莫之許也。獨與其鄉人徐錫麟相友善。引爲同志。慨然以光復中。

華爲己任。值庚子變亂時。事益亟。瑾時居北。則奮然太息曰。中國之革命。殆不可以已乎。甲辰赴日本游學。與其同志組織共愛會。而已爲之長留學界中。翕然稱慕之。自是每有大事。瑾輒與焉。居東二載。會日本取締留學生事起。學子騷然。瑾爲之首率衆爭之。不得當。則罷學回國。同志亦紛紛引歸。瑾歸後。則主講潯溪學校。以教育爲己任。復倡辦中國女報。冀以喚醒聾瞶。丁未五月。徐錫麟謀起事於皖省。瑾則密運軍械入越。居錫麟所辦之大通學校。謀響應。錫麟刺殺巡撫恩銘。事敗被殺。紹興知府貴福偵獲秋瑾所撰檄文兩通。據以告浙撫張曾敫。發兵捕之。逼令自署口供。瑾不答。僅書曰。秋雨秋風。愁殺人。遂被殺時。丁未六月六日也。年僅三十有三。瑾旣被殺。暴屍道路。親族以革命嫌疑。無敢收其屍者。其年十二月。石門徐寄塵桐城吳芝瑛二女士始購地於西湖西泠橋畔。葬之。題其墓曰。嗚呼。鑑湖女俠秋瑾之墓。當時海內人士以浙吏之不得口供而卽殺秋瑾爲不道。輿論譁然。攻訐不已。張曾敫貴福皆不安其位而去。思遷怒於葬秋瑾者。逾年。果有御史常徽奏請平秋瑾墓。而

治徐吳二女士之罪。羣議益大爲不平。浙吏亦自知拂於輿論。乃緩其事。而陰令秋瑾之從弟某出首。自請遷葬。秋瑾於故里而其墓卒平矣。嗟乎。專制政府雖極不道。亦未有不許掩埋罪骸之明文。而當時待秋瑾之酷固如此。孟子曰。今夫水搏而躍之。可使過顙。激而行之。可使在山。假使滿清政府之待革命黨無若是之酷。則今日革命之成功。安能若斯之易耶。然則秋瑾雖死。固可以不朽矣。

#### 附丁未年秋瑾自擬檄文

（其一）嗟夫。我父老子弟。其亦知今日之時勢爲如何之時勢乎。其亦知今日之時勢。有不容不革命者乎。歐風美雨澎湃逼人。滿賊漢奸網羅交至。我同胞處於四面。楚歌聲裏。猶不自知。此某等爲大義之故。不得不愷切勸諭者也。夫魚游釜底。燕處幕巢。旦夕偷生。不自知其瀕於危殆。我同胞其何以異是耶。財政則婪索無厭。雖負盡納稅之義務。而不與人以參政之權。民生則道路流離。而彼方昇平歌舞。侈言立憲。而專制乃得實行。名爲集權。而漢人盡遭剝削。南

北兵權既純操於滿奴之手。天下財賦又欲集之一隅。練兵也。加賦也。種種剝奪。括以一言。制我漢族之死命而已。夫閉關之世。猶不容有一族偏枯之弊。況四鄰逼處。彼乃舉其防家賊媚異族之手段。送我好河山。嗟夫我父老子弟。盡亦一念祖宗基業之艱難。子孫立足之無所。而深思於滿奴之政策耶。某等眷懷祖國之前程。默察天下之大勢。知有不容已於革命。用是張我旗鼓。殲彼醜奴。爲天下創義旗。所指是我漢族。應表同情也。

(其二)芸芸衆生。孰不愛生。愛生之極。進而愛羣。蓋種族之不保。則個人隨亡。此固大義瞭然。毋庸贅者也。然試叩我同胞。以今爲何時。則莫不曰。種族存亡之樞紐也。再進而叩以何術可解決此存亡之問題。則又瞠然莫對。否則卽以政治改革爲極端之進化矣。嗟夫歐風美雨。咄咄逼人。推原禍胎。是誰之咎。雖滅滿奴之族。亦不足以蔽其辜矣。夫漢族沈淪二百有餘年。婢膝奴顏。脅肩他人之宇。下有土地而自不知守。有財賦而自不知用。戴醜夷以爲主。而自奴。

之。彼。固。儻。來。之。物。初。何。愛。於。我。輩。所。何。堪。者。我。父。老。子。弟。耳。生。於。斯。居。於。斯。聚。族。而。容。處。一。旦。者。瓜。分。實。見。彼。卽。退。處。藩。服。之。列。固。猶。勝。始。起。游。牧。之。族。奈。何。我。父。老。子。弟。乃。聽。之。而。不。聞。也。年。來。防。家。賊。之。計。算。著。著。進。步。美。其。詞。曰。立。憲。而。殺。戮。之。報。不。絕。於。書。大。其。題。曰。集。權。而。漢。人。失。勢。滿。族。梟。張。嗚。乎。人。非。木。石。孰。不。愛。生。而。愛。羣。逼。於。不。獲。已。則。祇。能。守。一。族。之。利。益。矣。彼。既。異。我。種。族。置。之。不。問。之。列。則。返。報。之。道。亦。所。當。爲。奈。何。我。父。老。子。弟。見。之。不。早。也。某。等。菲。薄。不。敢。自。居。先。知。然。而。當。仁。不。讓。固。亦。嘗。以。此。自。勵。今。時。勢。阡。危。確。見。其。有。不。容。已。者。用。是。大。舉。撻。伐。先。以。雪。我。二。百。餘。年。漢。族。奴。隸。之。恥。復。以。啟。我。二。兆。方。里。天。府。之。新。帝。國。宗。旨。務。光。明。而。不。涉。於。曖。昧。行。事。務。單。簡。而。不。蹈。於。瑣。細。幸。叨。黃。帝。祖。宗。之。靈。得。以。光。復。舊。業。與。衆。更。始。所。有。遣。派。之。兵。馬。曉。諭。如。左。凡。我。漢。族。自。當。共。表。同。情。也。

## 尹銳志 尹維進